

江山家
詩詞
鈔

吳佩子



384112 62点

复旦大学图书馆

江 山 萬 里 樓 圖 照



SW 503/12



FUDAN JP20000036027B 复旦图书馆

江山萬里樓詩序

孔子道不行。自衛返魯。刪詩三百。一言蔽之曰思無邪。雖歷漢魏唐宋。宗派遞變。代爲風氣者迄二千年。而溫柔敦厚之旨。至今弗墜。則詩教大矣哉。吾友雲史。江東之秀。佐余戎幕。四年於茲。暇出示詩詞一篋。置之案頭者三月。氣體魄。直追盛唐。其磅礴鬱積。蓋皆出乎至性至情者也。是以憂時念亂。愛國之言。時時流溢。近年以來。尤多名作。方今風雅淪。蛙紫竝作。意取桑濮。詞尚尖。下也者。離經叛道。創爲語體詩。喪心病狂。不成文理。舉國飲酖。莫知所屆。詩教如此。思邪可知矣。雲史詩清真雅正。自成大家。五言卓絕。尤稱獨步。近人無與比肩。亟宜流播海內。以藥時病。以挽士風。余故表而

出之序而刊之。天下惟浩然之氣。忠孝之文。乃得長存乎宇宙之間。而扶衰救弱。使人心風俗日返於溫柔敦厚之遺。一變其澆漓乖戾之氣。則亦孔氏詩教無邪之意也。功豈禹下哉。若曰以其工也而刊之。則失之遠矣。甲子六月長至日。蓬萊吳佩孚序於洛陽軍次。

自敘

潘安仁賦閒居。引司馬安巧宦爲戒。因歷述平生出處。自謂拙宦。其言拙也。其心躁也。卒以乾沒致敗。余少有不羈之譽。長負公卿之許。年二十一。以秀才爲詹事府主簿。二十七爲戶部郎中。舉孝廉。郵部奏調郎中。外部奏充英國南洋領事。迄辛亥遜國。棄職東歸。所謂宦者如是而已。計弱冠從政。事德宗景皇帝者十二年。事幼帝者三年。閒居者又十二年。以至於今。則蒼然將老矣。當少年時。亦嘗長揖王侯。馳騫聲譽。以求激昂青雲。致身謀國。迨乎哀詔晨下。謝表夕發。皓素登舟。涕泣歸國。長爲百姓。瀟洒江海。蓋非拙也。不欲宦也已。自茲以往。無祿爲養。幸賴餘業以自給。我妻徐檀。曼容厚養。

曳紈繡而被明珠。固貴媛也。哀余之志。則裙布而釵荆。從我貧矣。相與奉事我母。婚嫁我子女。怡如也。坐食既久。生產斯困。嘗事什一。又復挫折。五年之內。數失鉅萬。余則稍稍苦矣。然余性疎野。樂文字。喜山水。既幽居。則心蕭然閒。身悠然逸。初知宇宙之廣。始識性命之趣。花鳥在林。琴歌自永。秋山孤往。春舟共移。或則采擷芳菲。倘佯乎澗溪之上。或則瀏覽篇簡。高詠乎疎簾文簾之間。搏掬物理。刻畫萬象。耳無俗聲。目無世態。我妻則自督奴僕。洒掃園宇。買魚江市。燒筍竹林。以供我起居吟誦遊覽賓客之興。雖苦也。能樂其樂也。則我妻之助我也。當此之時。瞑坐一室。起視天下。則帶甲滿地。膏血在野。裂冠毀冕。不可以國者。亦既十有一年矣。其間英雄豪

傑之自起自滅。以至得失興亡成敗生死之迭爲變化者。不知其幾何人矣。而我無與也。其宦而巧者。駕驪黃。被貂蟬。宮室銅街。歌吹金谷。日處富貴之中。而我無與也。其宦而拙者。勢窮力促。身敗名僂。束身司李。顧語東門。日處憂患之中。而我亦無與也。當此之時。余則遨遊京海。偕隱林間。登匡廬。遊江漢。獨賞秋月。共坐落英。耽林下之歡。受妻孥之奉。時則繹孔子之言。究佛氏之旨。窮至理於無極。返大本而莫二。則知萬類同體。殊聖一途。物我已非。大道無外。瞿然思反。冥然知止。是蓋舉世擾攘。而我獨樂之秋也。雖然。我亦嘗與其所謂士大夫者交。從其所謂豪傑者遊矣。知余志者。莫不曰。先生昔名公子。富貴中人。何自苦爲。先生蓋詩人也。嗟乎。我少年

時聞有詩人我者。則色然怒。今聞之。則欣然喜。嗟乎。我何幸而爲詩人也。則我知免矣。近年知交。多索觀歌詩。繕寫弗給。則催督刊集。乃輯詩十二卷。詞四卷。以質當世。抑聞海內人士。譽我者曰。雲史詩如少陵。嗟乎。我又何不幸爲詩人而爲少陵也。甲子正月。楊圻自序于洛陽金谷園軍次。

野王詩詞鈔

弁言一

歲次癸亥。將屆伯玉知非之年。已過船山刪詩之歲。乃取自光緒甲午年二十歲始。至今歲四十九歲止。共三十年。得詩二千九百餘首。痛加刪割。得一千七百六十首。綺年縟麗之作。無氣體之可言。故二十以前。百不存一。二十以後。百存其十。三十以後。十刪其五。四十以後。十存七八。凡十四卷。分少年壯年中年三集。集都十年。詞四卷。都二百二十三闕。李夫人詞附焉。所刪者。別爲割肉集五卷。當以雪夜雜紅葉煨酒耳。明年中元甲子。將編入強年集矣。癸亥六月二十二野王自洛陽假歸。編詩既訖。自記於江山萬里樓。

弁言二

癸亥夏日編詩既竟。將以付梓而不果。遂攜詩篋還洛陽。明年甲子。吳上將軍賜撰序文及貲焉。八月復值直奉之戰。將軍奉命督師山海關。朝令夕發。襤被從行。幕中書籍不遑檢理。我妻徐檀懼余詩文之散佚也。則檢其在灑水上私寓者。攜至京師。十月馮逆倒戈稱革命。海內騷然。余妻急攜歸江南。余則從將軍渡海溯江而西。間關追及虎牢。則愍逆變叛。洛陽已陷。公私殘燬無餘。乃隨侍將軍入信陽州。洛中將吏稍稍來山中。言亂兵初入西宮巡署。首刼幕府。入余室取財物。凡圖書文籍歷年文牘之不可取者。悉燃以代薪。旣而胡愍交惡。洛城三奪三陷。又遭樊鍾秀之亂。數十里無雞犬聲。

於是余詩文之在幕府者。割肉集五卷。已編詩四卷。文二卷。蕩焉燬焉。莫可究詰矣。割肉集原將以之煨酒。其已編詩四卷。則於先朝舊聞當世故事。頗多翔實。事後不可憶誦。於是僅留我妻所攜之一篋以存。於是癸亥所編之十四卷者。亦參錯不可復據。今年從將軍避地岳陽。江村抱病。我妻乃自江南入湘調護。因取詩集來。重自編訂。益以甲子乙丑兩年近作。是爲強年集。都四集。釐十二卷。嗟乎。蓋却火之餘也。可懼亦滋幸矣。乙丑夏五。雲史再記於洞庭岳陽樓下軍艦。

弁言二

今夏避地岳陽。江村閒居。與我妻霞客刪訂是集。旣訖。相約秋冬攜歸付梓。詎岳州大疫。霞客夏秋久病。中秋後染疫。醫

藥既窮。兩幼子相繼割股以進。亦無效。竟於晦日長逝矣。時則十四省擁戴我府主再起東山。於九月三日出師。舉義旗東下。軍書旁午。海內響應。余倉猝永訣。既傷且瘳。蓋棺次日。揮涕東行。事繁魂傷。莫可取譬。追念四德。乃私謚之曰懷夫人。言永懷不忘也。作謚妻記。述其生平賢孝事迹。及二十。年夫婦所共之哀樂焉。十一月將是集付梓。回念去歲亂離。賴懷夫人挾之以俱。乃得幸存。今夏助我商略去取。歷兩月之久。乃得定稿。今方成書。而懷夫人一瞑不視矣。覩物思人。如見一榻攤書。煎茶相伴。江村清雨後。燈火可親時也。終我之世。痛不能忘。且懷夫人之病。實感長沙卑濕。因視我病而來。竟以身殉。是爲我而死也。我將何以報之。乃取歷年行樂圖。

照。及其遺容。附諸簡端。每一展卷。如見其人。且誌有功於是集也。嗟夫。乙丑十一月朔。思霞三記於夏口。

評點者

孫師鄭先生
費仲深先生
曾孟樸先生
易實甫觀察
張野秋尚書
范肯堂先生
楊蓮府督帥
王晉卿中丞
阮斗瞻內史
李小溪參政
何鬯威太史
康南海先生
李仲仙制軍

野王詩詞鈔總目

弁言一

歲次癸亥。將屆伯玉知非之年。已過船山刪詩之歲。乃取自光緒甲午年二十歲始。至今歲四十九歲止。共三十年。得詩二千九百餘首。痛加刪割。得一千七百六十首。綺年縟麗之作。無氣體之可言。故二十以前。百不存一。二十以後。百存其十。三十以後。十刪其五。四十以後。十存七八。凡十四卷。分少年壯年中年三集。集都十年。詞四卷。都二百二十三闕。李夫人詞附焉。所刪者。別爲割肉集五卷。當以雪夜雜紅葉煨酒耳。明年中元甲子。將編入強年集矣。癸亥六月二十二野王自洛陽假歸。編詩既訖。自記於江山萬里樓。

卷十一 强年集 甲子年 一百七首

卷十二 强年集 甲子迄乙丑 一百十五首

共詩一千四百五十二首

詞目 回首詞卷一 六十三首

樓下詞卷二 三十七首

海山詞卷三 六十六首

望帝詞卷四 五十七首

共詞二百二十三首

附李夫人國香飲露詞一卷十七首

江山萬里樓詩鈔卷一

甲午迄丙午日少年集共七十六首

江東楊 圻 譜名朝慶更名鑑瑩今更名圻

檀青引附蔣檀青傳

荆門夜泊

過萬山王聚宅

夜泊襄陽夫人城懷遠

夜次白河縣熱甚舟中望月

興安府苦雨泊丹藥王寺十日

竹溪縣寺

泊走馬出洞灘 在鄖陽西

西鄉縣驛樓早發

自均州以西灘嶺叢雜一千九百

餘里每夜泊舟聽雨聞猿蓋經

兩月日行萬壑間也

泊均州江聽猿 至均州已入陝西界灘日

多矣

舟次樊城

洋縣謝山人具菰米留飲

自襄陽至興安一千三百里舟中

與王氏昆仲連日酌酒江山在

望顧而樂之

荆門泊舟兩日

漢上聞議和成寇退

青草灘

城固縣江上懷親時由漢中旋里

渡洋縣十二嶺

漢江

泊石友審遊萬山

襄陽

次樊城遇雨不得上岸

鄖陽紅灘石皆采色望之若碧雲

絳霞嵯峨水際